



Broj: 11/04-05-32256/16
Sarajevo, 25.02.2016. godine

SKUPŠTINA KANTONA SARAJEVO

– ovdje–

PREDMET: Odgovor na zastupničku inicijativu zastupnika Delalić Sabahudina

Zastupnik Delalić Sabahudin je Ministarstvu za obrazovanje, nauku i mlade, na Desetoj Radnoj sjednici Skupštine Kantona Sarajevo, održanoj 27.12.2015. godine, u okviru tačke dnevnog reda „Poslanička pitanja, inicijative i odgovori“, pokrenuo sljedeću poslaničku inicijativu, citiramo:

„Tražim da Ministarstvo obrazovanja, nauke i mladih izmijeni Pravilnik za prijem zaposlenika u radni odnos u obrazovnim ustanovama na području Kantona Sarajevo, posebno za usmeni dio, u cilju prijema najboljih kandidata.

Obrazloženje:

Ministarstvo obrazovanja, nauke i mladih Kantona Sarajevo od 2013. godine ima Pravilnik sa kriterijima za prijem zaposlenika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo kojim je značajno poboljšana i uređena procedura prijema, uvođenjem kriterija bodovanja kandidata, što je dobro.

Ipak, pored ostalog postoji važna slabost u ovom Pravilniku koja se odnosi na bodovanje usmenog dijela konkursa, jer je moguće, a i dešava se, da rukovodilac ili komisija kojoj to povjeri podijeli potpuno paušalne ocjene, do toga da kandidatima sa većim brojem bodova po osnovu dokumentacije da minimalan broj bodova na usmenom dijelu, a kandidatima sa manjim brojem bodova po osnovu dokumentacije da minimalan broj bodova. Na taj način komisija može malipurati procedurom prijema, i oštetiti bolje kandidate. Ovaj dio procedure se mora urediti tako da bude provjerljiv i uporediv.

Kantonalna prosvjetna inspekcija je uočila masovno nezadovoljstvo kandidata i 12.03.2015. godine Ministarstvu dostavila više nepravilnosti, nedorečenosti i pogrešno propisanih odredbi Pravilnika te je hitno potrebno ući u njegove izmjene.

Izmjene trebaju biti takve da u najvećoj mogućoj mjeri uzmu u obzir dosadašnja iskustva, primjedbe struke i na sistemski način osiguraju pravilnu proceduru i eliminiraju pristrasnost.

Predlažem da Ministarstvo, pored primjedbi Inspekcije prema kojim između ostalog treba odrediti pitanja na završnom razgovoru, odnosno usmenom dijelu, dopuni pravilnik i tako uvede obavezu snimanja usmenog dijela konkursa, te na taj način u slučaju spora omogućiti relevantnu provjeru u cilju prijema najboljih kandidata.”

ODGOVOR:

Ministarstvo za obrazovanje, nauku i mlade je, kao drugostepeni organ za rješavanje žalbi ustanova na rješenja koja izriču inspektori rada Kantonalne uprave za inspeksijske poslove Kantona Sarajevo, upoznato sa većim dijelom navedenih primjedbi, te utvrdilo da ni inspektori nisu uvijek sigurni na koji način primijeniti određene norme Pravilnika sa kriterijima za prijem zaposlenika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo ("Službene novine Kantona Sarajevo", broj: 03/13).



Pored toga, veliki broj zaprimljenih zahtjeva za tumačenje od strane fizičkih lica, ustanova iz oblasti obrazovanja koje su dužne primjenjivati predmetni pravilnik, jasno pokazuje da u ovom aktu potoje nedorečene odredbe, kao i one nejasne i neprecizne.

S tim u vezi, obavještavam Vas da sam posebnim rješenjem formirao komisiju za izradu teksta Pravilnika za prijem zaposlenika u radni odnos u predškolskim ustanovama, osnovnim osnovnim i srednjim školama kao javnim ustanovama na području Kantona Sarajevo.

Osim toga, donio sam i Tumačenje (u skladu sa članom 20. stav (6) Pravilnika), koje ima za cilj kako da olakša primjenu odredbi Pravilnika ustanovama, tako i nadzor nad primjenom ovog akta od strane Inspekcije rada.

Svim ustanovama iz oblasti obrazovanja, sindikatima, kao i Kantonalnoj upravi za inspeksijske poslove Kantona Sarajevo je dostavlje ovaj akt. Smatram da će do izrade novog teksta pomenuto tumačenje otkloniti barem djelimično dileme koje imaju komisije, direktori ustanova, kao i inspekcija.

Napominjem da će predmetna inicijativa, obzirom na njen sadržaj biti dostavljena i Komisiji s ciljem da primjedbe i prijedlozi iz obrazloženja inicijative budu uzeti u obzir prilikom izrade teksta Pravilnika.

S poštovanjem,


MINISTAR
Elvir Kazazović
Prof.dr. Elvir Kazazović

Dostaviti:

1. Naslovu
2. Stručna služba Vlade Kantona Sarajevo
3. Arhivi



web: <http://www.mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1

